

虞

初

志

嵩岳嫁女記

虞初志四

三禮田璆者甚有文通熟群書與其友
鄧韶博學相類皆以人昧不能彰其明
家于洛陽元和癸巳歲中秋望夕攜觴
晚出建春門期望月於韶別墅行二三
里遇韶亦攜觴自東來駐馬道周未央
所適有二書生乘驄復出建春門揖璆
韶曰二君子挈榼得非求今夕望月之

地升其弊莊水竹臺榭名聞洛下東南
去此其二里僅能迂繼冀展傾蓋之分
耳璆韶甚愜所望乃從而往問其姓氏
多他語對行數里桂輪已昇至一車門
始入甚荒涼又行數百步有異香迎前
而來則豁然真境矣飛泉父流松桂夾道
奇花異草昭燭如晝好鳥騰翥扣月關
璆韶請疾馬飛觴書生曰足下櫺中厥

味何如璆韶曰乾和五醖雖上清醍醐
計不加此味也書生曰某有端露之酒
釀於百花之中不知與足下五醖孰愈
耳謂小童曰折燭夜一花傾與二君子
嘗其花四出而深紅圓如小瓶徑三寸
餘緣葉形類盃觸之有餘韻小童折花
至傾於竹葉中凡飛數巡其味甘香不
可比狀飲訖又東南行數里至一門書

生揖二客下馬命以燭夜花中之餘賚
諸從者飲一盃皆大醉各止于戶外乃
引客入則有鸞鶴數十騰舞來迎步而
前花轉繁酒味尤美其百花皆芳香壓
枝于路傍凡歷池館臺榭率皆陳設盤
筵若有所待但不留璆韶坐璆韶飲多
行又甚倦請暫憩盤筵盡生圍坐亦何
難但不利於君耳璆韶詰其由曰今夕

中天群仙會於茲岳籍君神魄不雜腥
羶請以知禮導昇降此皆諸仙位坐不
宜塵觸耳言訖見直北花燭亘天簫韶
沸空駐雲母雙車於金堤之上設米精
方盤於瑤幄之內群仙方奏霓裳羽衣
曲書生前進有命再拜夫人夫人褰帷
笑曰下城之人而能知禮然服食之氣
猶然射人不可近他貴者可名賜薰髓

酒一盃。璆韶飲訖。覺肌膚溫潤。稍異常。
人。噓吸皆異香氣。夫人問左右誰人。召
來曰。衛符卿李八百。笑人曰。便令此二
童接待。於是二童引璆韶於群仙之後。
縱目璆問曰。相者誰。曰。劉綱侍者。誰曰。
茅盈。東隣女彈箏擊筑者。誰曰。麻姑。謝
自然。幄中坐者。誰曰。西王母。俄有一人
駕鶴而來。王母曰。父望有玉女。問曰。禮

生來未於是引璆韶進立於碧玉堂下
左劉君咲曰適緣蓮花峯士奏章事須
決遣尚多未來客何言久望平王母曰
奏章事者有何所爲曰論浮梁縣令李
延年矣以其久因賄賂履官途以苛虐
爲官政生情於案牘忠恕之道蔑聞唯
雄於貨財巧爲之計更作自貽覆餗以
促餘齡但以蓮花峯叟徇從於人奏章

甚懇特紿死限量延五年璆問劉君誰
因漢朝天子續有一人駕黃龍戴黃旂
導以笙歌從以嬪嬙及瑤幄而下王母
復問曰李君來何遲曰爲救龍神設水
畢之計作瀟淮祭以殲妖逆漢主曰柰
百姓何曰上帝亦有此問予一表斷其
惑矣曰可得聞乎曰不能悉記略舉大
綱耳其表云某孫某克構丕基德洽兆

庶臨履深薄匪敢怠荒不勞師車乎中
夏西蜀之孽不費天府掃東吳上黨之
妖九有已見其朗清一方尚屯其氛稜
伏以虺蜴肆毒痛于淮蔡豺狼尚惜其
口喙螻蟻猶固其封疆若遣時豐人安
是稔群醜但使年餓癘作必搖人心如
此倒戈而攻可以席卷禍三州之逆黨
所損至微安六合之疾疢其利則厚伏

請神龍施水癘鬼行灾由此天誅以資
戰力漢主曰表臣嘉第旣允許可以前
賀謨鋤矣書生謂參韶此開元太寶太
平之主也未頃聞蕭韶自空而下執絳
節者前喝言穆天子來奏樂群仙皆起
王母避位拜迎二主降階入幄環坐而
飲王母曰何不拉取老軒轅來曰他今
夕主張月宮之醺非不動請耳王母又

曰瑤池一別後陵谷幾遷移向來觀洛陽
東城已墟矣定鼎門西路忽焉復新市朝
云改名利如舊可以悲歎耳穆至把酒請王
母歌以珊瑚鈎擊盤而歌曰觀君酒爲君悲
且吟自從頻見市朝改無復瑤池宴樂心王
母持盃穆天子歌曰奉君酒休歎市朝非早
知無復瑤池興悔駕驂騑草草歸歌竟與王
母話瑤

池舊事乃重歌一章云八馬廻乘汗漫
風猶思停駕憩昭宮宴移玄圃情方洽
樂奏鈞天曲未終斜漢露凝殘月冷流
霞盃泛曙光紅崑崙廻首不知處疑是
酒酣清夢中王母酬穆天子歌曰一曲
笙歌瑤水濱曾留逸足駐征輪人間甲
子周千歲靈境盃觴初一巡玉兔銀河
終不夜奇花好樹鎮長春悄知穆滿饒

詞句歌向俗流疑悞人酒至漢武帝王
母又歌曰珠露金風下界秋漢家陵樹
冷脩脩當時不得仙桃力尋作浮塵飄
龍頭漢主上王母酒歌以送之曰五十
餘年四海清自親丹竈得長生若言盡
是仙桃力看取神仙簿上名帝把酒曰
吾聞丁令威能歌命左右召來令威至
帝又遣子晉吹笙以和歌曰月照驪山

露泣花似悲先帝早昇遐至今猶有長
生鹿時遶溫泉望翠華帝持盞火之王
母曰應須召葉靜龍來唱一曲當時事
靜能續在跪獻帝酒復歌曰幽薊煙塵
別九重貴妃湯殿罷歌鍾中宵扈從無
全仗太鶴蒼黃發六龍粧匣尚留金翡翠
暖池猶浸玉芙蓉荆榛一閭朝元路
唯有悲風吹晚松歌竟帝悽慘良久諸

仙亦慘然於是青龍持盃立於車前再
拜祝曰上清神女王京仙耶樂此今夕
和鳴鳳凰鳳凰和鳴將翔將翔與天齊
休慶流無央仙耶即以敝綃五千疋海
人文錦三千端琉璃琥珀一百床明月
驪珠各十斛贈奏樂仙女乃有四鶴立
於車前獻仙郎并相者侍者兼有寶花
臺俄進法膳凡數十味亦靈及珍醪醪

韶獻鮑有仙女捧玉箱托紅牋筆硯而至
請權粧詩於是劉綱詩曰玉爲質兮花
爲顏蟬爲鬢兮雲爲環何勞傳粉兮施
渥丹早出娉婷兮縹緲胸於是茅盈詩
云木精帳開銀燭明風搖珠珮連雲清
休勻紅粉飾花態早駕雙鸞朝玉京巢
父詩曰三星在天銀漢迴人間曙色東
方來玉指覆藥亦且夜莫使一花衝曉

開詩旣入內有環珮聲卽有玉女數十
引仙郎入帳召璆韶行禮禮畢二書生
復引璆韶辭夫人夫人曰非無至寶可
以相贈但兩力不任攜挈耳各賜延壽
酒一盃曰可增人間半甲子復命衛符
卿等引還人間無使歸途寂寞於是二
童引璆韶而去折花傾酒步步惜別衛
君謂璆韶曰夫人白日上昇驂鸞駕鶴

在積習而已未有積德累仁抱才蘊學
卒不享爵祿者吾未之信儻吾子塵牢
可踰俗桎可脫自今十五年後待子於
三十六峯願珍重自愛復出來時車門
握手言別別訖行四五步杳然所在唯
見嵩山嵯峨倚天得樵徑而歸及還家
已歲餘室人招魂葬於北邙之原墳草
宿矣於是璆韶捐棄家室同入少室山

今不知所在

嵩山嫁女記

廣陵妖亂志

高駢末年惑於神仙之說，昌胤、張守一、諸葛殷等皆言能役使鬼神，變化黃白，駢酷信之，遂委以政事，用之等援引朋黨，恣爲不法，其後亦慮多言者有所漏洩，因謂駢曰：「高真上聖要降，非難所患者學道之人真氣稍虧，靈貺遂絕。」駢聞之以爲信然，乃謝絕人事，屏棄妻媵。

賓客將吏無復見之有不得已之故則
遣人洗滌齋戒詣紫極宮道士接除不
穢謂之解穢然後見之拜起纔終已復
別置自此內外擁隔紀綱自紊用之等
因大行威福傍若無人歲月既深輟
遂因用之自謂儲漢真君張守一是赤
松子諸葛殿稱將軍有一蕭勝者謂之
秦穆公駙馬皆云上仙遣來爲令公道

侶其鄙誕不經率皆如此萍陽縣前一地祇卜廟用之貧賤時常與妻寓止巫舍凡所動靜禱而後符及得志謂爲冥助遂修崇之廼廊曲室粧樓寢殿百有餘間土木工飾盡江南之選每軍旅大事則以少牢祀之用之守一皆云神遇駢凡有密請即遣二人致意書中和元年用之以神仙好樓居請於公廨即北

跨河爲迎仙樓其斤斧之聲晝夜不絕
費數萬緡半歲方就自成至敗竟不一
遊肩鐫儼然以至灰燼是冬冬起延和
閣於太廳之西凡七間高八丈皆飾以
珠玉綺窓繡戶殆非人工每旦焚名香
列異寶以祈王母之降及師鐸亂人有
登之者必藻井垂蓮之上見二十八字
云延和高閣上下雲小語猶疑太一聞

燒盡降真無一事開門迎得畢將軍此
近詩祆也用之公然云與上仙來往每
對駢或叱咄風雲顧揖空中譚見群仙
來往於外駢隨而拜之用之指畫紛
紜畧無媿色左右稍有異論則死不旋
踵矣見者莫測其由但搏膺不敢出口
用之忽云后主夫人靈仇遣使就某借
兵馬并李筌所撰太白陰經駢遽下兩

縣率百姓葦席數千領畫作甲馬之狀
遣用之於廟庭燒之又以五彩牋寫太
白陰經十道置於神座之側又於夫人
帳中塑一綠衣年少謂之韋郎廟成有
人於西廡棟上題一長句詩曰四海平
戎尚未寧謾然滄海寫儀形九天玄女
猶無信后出太豈有靈一帶好雲侵
鬢綠兩行顰岫拂眉青韋郎年少耽閑

事案上休看太白經好事者競相傳誦
是歲詔於廣陵立駢生祠并刻石鎮差
州人採碑材於宣城及至揚子院用之
一夜遣人密以健牯五十牽至州南鑿
垣架濠移入城內及明柵緝如故因令
揚子縣申府昨夜碑石不知所在遂懸
購之至晚云被神人移置街市駢大驚
乃於其傍立一大木柱上以金書云不

因人力自然而至即令兩都出兵仗鼓
樂迎入碧筠亭至三橋擁闌之處故埋
石以礙之僞云人牛拽不動耕乃未篆
數字帖於碑上頃臾去石乃行觀者互
相謂曰碑動也識者惡之明日揚子有
一村婦詣知府判官陳牒云夜來異骨
借耕牛牽碑悞損其足遠近聞之莫不
絕倒比至刺史師鐸之衆竟自壞墮而進

常與丞相鄭公不時用之知之忽由適得上仙書宰執之間有陰圖貪食者使一俠士來夜當至駢驚悸不已問計於用之用之曰張先生少年時嘗學斯術於深井里聶夫人近日不知肯更爲之否若有但請此人當之無不盡粉者駢立召守一語之對曰老夫久不爲此戲手足生踈然爲令公有何不可及期衣

婦人衣匿于別室守一寢於駢臥肉至
夜分擲一銅鐵於階砌之上鏗然有聲
遂出皮囊中凝血灑於庭戶簷宇間如
格闘之狀明日駢泣謝守一曰蒙仙公
再生之恩真枯骨重肉矣乃躬輦金玉
及通天犀帶以酬其勞江陽縣尉薛失
其名所用之黨也忽一日告駢曰夜來
因巡警至后土廟前見無限陰兵其中

求知鹽城監駢以當任者有績與奪之
間頗有難色用之曰用勝爲鹽城者不
爲勝也昨得上仙書云有寶劍在鹽
城井中須一靈官取之以勝上仙左右人
欲遣去耳駢俛仰許之勝至監數月遂
匣一銅匕首獻于駢用之稽首曰此此
帝所佩者也得之則百里之內兵不
敢犯駢甚異之遂飾以寶玉常置座隅

時廣陵父爾用之謂駢曰此地當有火
災鄒邑之聞悉令灰燼近日遺金山下
毒龍以少雨濡之自此雖無大段燒爇
亦未免小小驚動也於是用之每夜密
遣人縱火荒祠壞宇無復存者駢嘗授
道家畢法用之守一無增焉圓刻一青
石如手板狀隱起龍蛇遡歲文宗並皇
授白雲先生高駢潛使左右置安道院

香几上駢見之不勝驚喜用之曰玉皇
以令公焚修功著特有是命計其鸞鶴
不久當降某等此際謫限已滿便應得
陪幢節同歸真境也他日瑤池席上亦
是人間一故事昔畢歡笑不已遂相與
登延和閣命酒肴極歡而罷後於道院
庭中刻木爲鶴大如小駟羈轡中設機
捩人或逼之奮然飛動駢嘗羽服跨之

仰視空闊有飄然之思矣自是嚴齋醮
飛鍊金丹費貲財動逾萬計日居月
諸竟無其驗

呂用之鄱陽安仁里細民也性桀驁略
知文字父彊以貨茗爲業來往於淮浙
間時四方無事廣陵爲歌鍾之地富商
大賈動逾百數彊明敏善酒律多與群
商遊用之年十二三其父繫行旣惠悟

事諸賈皆得歡心時或整頓搖箠匿家
與奴婢等居數歲橫率於家乾簪初群
盜攻剽川里遂他適用之既孤且貧其
舅徐魯仁調給之歲餘通于魯仁室爲
魯仁所逐因集丸華山道士牛弘微弘
微自謂得道者也用之降志師之傳其
驅役考召之術弘微旣死用之復著于
廣陵遂穀巾布褐周符藥燃易衣食歲

餘丞相獨全節制淮左有壘道真法者
逮捕甚急用之釋遂南渡時高斯鎮京
口召數訪彼之士求輕舉不死之道用
之以其術通於客次逾月不召高勸海
親人俞公楚公楚奇之過爲儒服目之
曰江西呂起官因薦於渤海及召試
公楚與左右相會其術得驗尋署觀察
推官仍爲制其名因寧之曰無可事無

可無不可也自是出入無禁初專方藥
香火之事明年渤海移鎮用之固請裁
服遂署右職用之素負販父客廣陵公
私利病無不詳熟鬻鹽之暇妻陳時政
得失渤海益奇之漸加委仗先是渤海
舊將有梁纘陳拱馮綬董僅公楚歸禮
日以踈退渤海至是孤出矣用之乃樹
置私黨窺伺動息有不可去者則厚以

金寶悅之左右群小皆市井人見利忘
義上下相蒙大逞祿妄仙書神符無目
無之更迭唱和周知愧耻自是賄賂公
行條章日紊煩刑重賦率意而爲道路
怨嗟各懷亂計用之懼其竊發之憂因
請置巡察使採訪州城密事渤海遼承
制授御史大夫充諸軍都巡察使於是
召募府縣先貧罪停廢庖吏陰狡兇狠

者得百許人厚其官傭以備指使各有
十餘丁縱橫閭巷間謂之察子至於士
庶之家呵妻怒子密言隱語莫不知之
自是道路以目有異已者縱謹靜端然
亦不免其禍破滅者數百家將校之中
累足屏氣焉

高駢嬖吏諸葛殷祆人呂用之之黨也
初自鄱陽將詣廣陵用之先謂駢曰王

皇以令公又爲人臣機務稍曠獲譴於
時君輒遣左右一稟神爲令公道中羽
翼不爰當降令公善遇欲其不去亦可
以人間優職縻之明日殷果來遂巾褐
見駢於碧筠亭秋形鬼態辯詐蜂起謂
可以坐召神仙立變寒暑駢莫測也俾
神靈遇之謂之道葛將軍也每從容酒
席間聽其鬼怪之說則盡自忘倦自是

累遷監鉄劇職聚財數十萬緡其薨邾
陰狡用之筴如也有大賈周師儒者其
居處花木樓榭之奇爲廣陵甲第殷欲
之而師儒拒焉一日殷謂駢曰府城之
內當有祆起使其得志非水旱兵戈之
匹也駢曰爲之奈何殷曰當就其下建
齋壇請靈官鎮之殷即指師儒之第爲
處駢命軍候驅出其家是日雨雪驟降

瀉掉方盛執事者鞭撻迫蹙師儒攜挈
老幼匍匐道路觀者莫不愕然殷遷其
族而家焉殷足先患風疽至是而甚每
一躁癢命一青衣交手爬搔血流方止
駢姓嚴潔甥姪輩皆不得侍坐唯與殷
歛曲未嘗不廢寢忘餐或促膝密坐同
杯共器遇其風疽忽發即恣意搔捫指
爪之間膿血沾染駢與之飲啗曾無難

色左右或以爲言駢國神仙多以此試人汝輩莫介意也駢前有一太子每聞殷腥穢之氣則來迎之遂怪其馴狎殷笑曰某常在大庭宴進皇前見之別來數百年猶復相識其虛誕率多如此高盧常謂人曰爭知不是吾滅族冤家也殷性躁虐知揚州院吏兩月官吏數百人鞭背殆半光啓二年僞朝授殷兼御

史中丞加全紫及城陷竄至灣頭爲邏
者所擒腰下獲黃金數斤通天犀帶兩
條既縛入城百姓聚觀交腫其面尋撮
其髻髮頸剋都盡獄具刑守下馬橋南
秋至百餘絞而未絕會臨鐸母自子城
歸家經過法所遂扶起送之復蘇于橋
下執朴者尋以臣下詰之駟殿過決罰
如初始殷之遇也驕暴之所尋布於遠

近其族人競以謙損戒殷殷曰男子患
於不得遂志既得之富須富貴自處人
生寧有兩遍死者至是果再行法及棄
屍道左爲仇人剜其目斷其舌兒童輩
以瓦礫投之須臾成瘞

吳堯卿者家于廣陵初傭保於道旅善
書計因出入府庭遂聞於攝紳始爲監
鍼小吏性敏辦事之利病皆心記口誦

悅人耳目故丞相李蔚以其能首任之
高駢因署堯卿知泗州院兼利國監尋
奏爲刺史制命未行會軍變復歸廣陵
頃之知浙西院數月而罷又知楊州院
兼推羅使僞朝授堯卿御史大夫堯卿
託附權勢不問貴賤祿有岐路縱斷養
輩必欲枉以金玉餌之微似失勢雖素
約爲死交則相對終日不復與言趨利

背義如此權貴無不以賄賂交結之故
不離淮泗僭竊朱紫塵汚官省三數年
間盜用鹽鐵錢六十萬緡時王榮知兩
使句務下堯卿獄將窮其事爲諸葛殷
所保持獲全及城陷軍人識是堯卿者
咸請啗之畢師鐸不許夜令堯卿以他
服而遁至楚州遇變爲仇人所殺棄屍
衢中其妻以紙絮葦棺歛之未及就壙

好事者題其上云信物一角附至阿鼻
地獄請去斜封送上天閻羅王時人以爲
笑端

崔少女傳

崔少女者唐汾州刺史崔恭之少女也
其母夢神人綃衣駕紅龍持紫函授於
碧雲之際乃孕十四月而生少女旣生
而異香襲人端麗殊絕紺髮覆目耳瑋
及頤右手有文曰盧自刼妻後十八年
歸于盧陞陞小字自刼歲餘陞從事閭
中道過建溪遙望武夷山忽見碧雲有

東臺聚中有神人翠冠緋裳告曰王
華君來乎誰怪其言曰誰爲王華君曰
君妻即王華君也因是及告之妻曰扶
桑夫人紫霄元君果來迎我事既明矣
難復隱諱遂整衣出見神人對語久之
然夫人之音隱莫能辨逡巡揖而退隱
拜而闕之曰少玄雖胎育之人非陰陽
所積精氣無欲爲王皇左侍書謚曰王

華君主下界三十六洞學道之流每至
秋分日即持簿書來訪志道之士當謫
落所犯爾爲同官四人退居靜室嗟歎
其事恍惚如有欲想太上責之謫居人
世爲君之妻二十三年矣又遇紫霄元
君已前至此今不復近附於君矣至閩
中日獨居靜室陞旣駭異不敢輒踐其
國徃徃有女真或二或四衣長綃衣作

古髮髻周身光明燭耀如畫來詣其室
升堂連榻笑語通夕睡詣而觀之亦皆
天人語言不可明辨試問之曰神仙秘
密難復漏泄沈累至重不可不隱隱試其
言亦常隱諱洎睡罷府恭又解卽組得
家乎洛陽睡以妻之誓不敢陳泄於未
後二載謂睡曰少女之父壽筭極于二
月十七日某雖神仙中人生於人間爲

有撫養之因若不救之枉其報矣乃請
其父曰大人之命將極於二月十七日
少女受飭勞之恩不可不護遂發絳箱
取扶桑大帝金書黃英內景之書致於其父曰
大人之壽常數極矣若非此書不可救
免今將授父可讀萬遍以延一紀乃令
恭沐浴南向而跪少女當杭授以勅章
寫於青紙封以素函奏之上帝又召南

斗注生真君附奏上帝須臾有三朱衣
人自空而來跪少玄前進脯羞噏酒三
爵手持功章而去恭大異之私詰於陞
陞終諱之經月餘遂命陞語曰玉清貞
侶將雪余於太上今復召爲玉皇左侍
書玉華君主化元精炁施布仙品將欲
反神還于無形復侍玉皇歸彼玉清君
無泄是言遺余父母之念又以教父之

事泄露神仙之術不可久留入世之情
畢於此矣陞跪其前嗚呼流涕曰下界
蟻虱黷汚上仙永淪穢濁不獲昇輶乞
賜指喻以救沈涸乂永不忘其恩少玄
曰余留詩一首以遺子余上界天人之
書皆雲龍之篆下界見之或損或益亦
無會者子當執管記之其詞曰得一之
元匪受自天大老之真無上之仙叙美

則真形於自然真安匪求神之久留光
含影藏體性剛柔丹霄碧虛上聖之儔
百歲之後空餘墳丘隤再拜受其辭晦
其義理跪請講貫以爲指明少玄曰君
之於道猶未熟聞上仙之韻昭明有時
至景申年中遇鄧邪先生能達此辭與
君開釋方見天路未闢但當保之言畢
竟卒九日葬穀維如空發觀視之留衣

而蛻處室十八居閩三歸洛二在人間
二十三年後陞與恭皆保其詩會儒道
達者示之竟不能會至申年中九疑道
士王方古其先瑯邪人也遊華岳廻道
次于陝郊時陞亦客于其郡因詩酒夜
話論及神仙之事時會中皆貴道尚德
各述其異殿中侍御史郭固左拾遺齊推
右司諫宗卿王建皆與崔恭有舊因審

少玄之事於陞出涕泣恨其妻所留之
詩絕無會者方古請其辭吟味須臾即
得其指歎曰太無之化金華大仙亦有
傳於後學哉時坐客聳聽其辭句解釋
流如貫珠凡玄千言方盡其義因命陞
執筆盡先生之辭目曰玄珠心鏡好道
之士家多藏之

南岳魏夫人傳

魏夫人者任城人也晉司徒劇陽文康公舒之女也名華存字賢安幼而好道靜然恭介讀莊老三傳五經百氏無不讀覽志慕神仙味真耽玄欲求神仙常服胡麻散茯苓丸吐納氣液攝生夷靜親戚往來一無闕見常欲別居閑處父母不許年二十四彊適太保掾南陽劉

文字初彥生二子長曰璞次曰遐初彥
後爲修武令夫人心期幽靈精城彌篤
二子祖立乃離隔室于齋于別寢將逾
三月忽有太極真人安度明東華大神
方諸青童扶桑碧阿陽谷神王景林真
人小有仙主清虛真人王褒來降褒謂
夫人曰聞子密緯真氣注心三清勤苦
至矣扶桑大帝君敕我授子神真之道

青童君曰清虛夫王即汝之師也度明
曰子苦心求道道今來矣景林真人曰
虛皇鑒爾勤感太極已壬子之仙名於
玉札矣子其勗哉青童君又曰子不更
開上道內法農景正經者仙道無緣得
成也後自當會陽滌山中爾勤密之矣
王君乃命侍女華散絳李明光等便授
雲蘊開玉笈出太上寶文八素隱書大

洞真經靈書八道紫度炁光石精金馬
柳真虎文高仙初玄等經凡三十一卷
即十授夫人焉王君因告曰我輩於此
學道遇南極夫人西城王君授我寶經
三十一卷行之以成真人位爲小有洞
天仙王今所授者即南極元君西城王
君之本文也此山洞臺乃清虛之別宮
耳於是玉君起立北向執書而祝曰太

上三元九星高真虛微入道上清王晨
褒爲太常所敕使教于魏華存是咽丹
良吉日戊申謹授寶書神金虎文大洞
真經八素玉篇合三十一卷是褒昔精
思於陽明西山受真人太師紫丸夫人
書也華存當謹按明法以成至真誦修
虛道長爲飛仙有泄我書族及一門身
爲下鬼塞諸河源九天有命敢告華存

槐畢王君又曰我昔受祕訣於紫元君
言聽教於師之曰云此篇當傳諸真人
不但我得而已子今獲之太帝俞焉此
書自我當七人得之以白玉爲簡青玉
爲字至華存則爲四矣於是景林又授
夫人黃庭內景經發書夜存念讀之萬
遍後乃能洞觀鬼神安適六府調和三
魂五藏生華色反孩嬰乃不死之道也

於是四真吟唱各命玉女彈琴擊鍾吹
簫合節而發歌歌畢玉君乃解摘經中
所脩之節度及寶經之指歸行事之口
訣諸要粗訖徐乃別去是時太極真人
命北寒玉女宋聯洵彈九氣璈青童命
東華玉女烟景殊擊西盈之鍾陽洛神
王命雲林玉女賈屈庭吹鳳唳之簫青
虛真人命飛玄玉女鮮于虛金拊九合

玉節太極真人發排空之歌青童吟太
霞之曲神王諷晨啓之章清虛詠駕歛
之詞旣散之後諸真元君日夕來降雖
幼彥隔壁寂然莫知其後幼彥物故值
天下之荒亂夫人撫養內外旁救窮乏
亦爲眞仙嘿示其耻知中原之亂攜二
子渡江璞爲庾亮司馬又爲溫太眞司
馬安成太守遐字子嵩爲陶太尉侃從

事中郎夫人自洛邑連江南寇盜之中
所過之處神明保佑常果元吉二子位
既成立夫人遂得真心齋靜真靈累感
修真之益與日而進凡在世八十二年
以晉成帝咸和九年歲在甲午王君復
與東華青童來降與夫人成藥兩劑一
曰遷神白騎神散一曰石精金光化形
靈丸使頓而服之稱疾不行凡七日太

一玄仙遣飊車來迎夫人乃託劍化形而去徑入陽洛山中明日清童君太極四真人清虛玉君令夫人清齋五百日讀大洞真經并分別真經祕要道陵又授明威章奏存祝吏兵符籙之訣衆真各擗至訓三日而去道陵所以偏教委曲者以夫人在世當爲女官祭酒領職理民效也夫人誦經萬遍積十六年顏

如少女於是龜山九虛太真金母金闕
聖君南極元君共迎夫人白日昇天北
詣上清宮玉闕之下太微帝君中央黃
老君三素高元君太上玉晨太道君太
素三元君扶桑太帝君金闕後聖君各
令使者致命授泰人王札金文位爲紫
虛元君領上真司命南岳夫人比秩仙
公使治天台大霍山洞臺中主下訓奉

道教授當爲仙者而男之高仙曰真人
女曰元君夫人受錫事畢王母及金闕
聖君南極元君各去使夫人於王君小
有天中更齋戒三月畢九微元君龜山
王母三元夫人衆諸真仙並降於小有
清虛上四奏各命侍女陳曲成之鈞九
靈合節八音靈際玉田擊節而歌三元
夫人聖事畢各答歌餘真各歌須臾同

命神仙諸隸屬及南岳迎官並至虎旂
輦輦激耀百里中正母諸真乃共與夫
人東南而行俱詣天台霍山臺又便道
過句曲金壇茅叔申宴會一日二夕又
共適于霍山夫人安駕玉宇然後各別
初王君告夫人曰學者當去疾除病因
授甘草穀仙方夫人服之夫人能隸書
小有王君並傳事甚詳悉又述黃庭內

景注敘青精餽飯方後屢降茅山乎璞
懷聖侍中夫人令璞傳法于司徒琅邪
王舍人楊義護軍長史許穆穆子玉斧
並皆昇仙陶真白真誥所呼南真耶夫
也以晉興寧三年乙丑降楊家謂楊君
曰修道之士不欲見血見鮭避之不如
不見又云向過東海中波聲如雷又云
張清靈真人錦囊中有寶補經昔從紫

微夫人所受吾亦有是函宮定本即是
玄圃北壇西瑤之上臺天真珍文盡藏
其中也因授書云若夫仰擲雲輪惣轡
太空手携烟霄足陟玉宸身昇帝闕披
寶喻精論九玄之逸度汎萬椿之長生
真言玄浪高譚至清今則迴靈塵埃訓
我弟子周目五濁勞神臭腥子所嚮者
道研詠者妙道妙既得吾子加之慮散

蕩斯邪慎之 仍云河東桐栢山之西
頭適崩二百餘丈吾昨與茅叔申詣清
虛宮授真仙之籍得失之事頓落四十
七人復上者三人耳固當洗心虛邁勤
注理盡心殫意竭如履冰火久如此者
仙道亦不隱矣但在莊敬丹到而絕淫
色之念也若抱淫慾之心行上真之道
者清宮所落皆此輩也豈止落名生籍

方將被考於三官也勉之慎之宗道者
貴無邪摟真者安恬愉至寂非引順之
主淡然非教授之匠故當因煩以領無
耳爲道者精則可矣有情而不勤能而
不專無益也要在恠心消豁穢念疾開
可以數看東山勤望三秀差復益耳言
者性命之全敗信者得失之關籥張良
三期可謂篤道而明心矣又曰得道去

世或顯或隱記體遺跡者道之隱也昔
有舞酣瓊液而叩棺一服刃圭而尸爛
鹿皮公吞玉華而流蟲出并費季子咽
金液而臭聞百里黃帝火丸鼎於荆山
尚有喬嶺之慕李王服雲散以潛昇猶
頭足異處墨狄因虹丹以沒水竈生服
石腦而越火務光翦薙以入清水之泉
柏成納氣而腸胃三滌如此之比不可

勝紀徵乎得道趣捨之迹固無常矣保
命君曰所謂尸解者假形而不死非真
尸南真曰人死必視其形如生人尸解
也足不青皮不壞者亦尸解也目光不
落無異生神者尸解也髮盡落而失形
骨者尸解也白日尸解自是仙矣非尸
解之例也若死經太陰暫過三官者肉
脆脉散血沉灰爛而五臟自生骨如玉

七魄營傳三魂守宅者或三十年二十年十年三年當血肉再生復質成形必勝於昔日未死之容端此名煉形太陰易貌三官之仙也天帝云太陰鍊身形勝服九轉丹形容端且嚴面色似靈雲上登太極闕受書爲真人是也若暫遊太陰者太一守尸三魂營骨七魄侍肉胎靈錄氣皆數滿再生而飛天也其用

他藥尸解非是靈丸者卽不得返故鄉
三官執之也其死而更生者未殮而失
其尸有形皮存而無者有衣結不解衣
存而形去者有髮脫而形飛者有頸斷
已死乃從一旁出者皆尸解也白日解
者爲上夜半解者爲下向晚向暮去者
爲地下王者此得道之差降也夫人之
脩道或災逼禍生形壞氣亡者復由多

言而守一多端而期苟免也是以層巢
頽披而墜落百勝失於一敗惜采通仙
之才安可爲二擊子而致斃乎智以無
崖傷性心以慾惡蕩真豈若守根靜中
樞研三神彌貫萬物而同玄鏡寂泯然
與尾光爲一箇內外均福也真人歸心
於一任於永信心歸則正神和信順利
真之兆自然之感無假兩隆也若外見

察觀之氣內有溫結之晒有如此者哉
見其敗未見其立地下主者乃下道之
文官地下鬼師乃下道之武官文解一
百四年一進武解倍之世人勤心於嗜
慾兼味於清正華自以隨世喪死而希
仙者皆多武解者尸之最下也夫人與
衆真吟詩曰玄感妙象外和聲自相招
靈雲鬱紫晨蘭風翳綠輶上真宴瓊臺

邈爲地仙標所期貴遠邁故能秀頻翹
翫教入書翰道成初不遯人事則可預
使介形氣消夫人旣遊江南遂於撫州
并山立靜室又於臨汝水西置壇宇歲
久蕪穢踪跡殆平有女道士黃靈徽年
邁八十貌若嬰孺號爲稚姑特加脩飾
累有靈應夫人亦寓夢以示之後亦昇
天玄宗敕道士蔡偉編入後仙傳大曆

三年戊申魯國公顏真卿重加修葺立碑以紀其事焉

魏夫人傳終